

NO. SOALAN : 41

PEMBERITAHUAN PERTANYAAN DEWAN RAKYAT

PERTANYAAN : LISAN

DARIPADA : YB TUAN IDRIS BIN HAJI AHMAD
[BUKIT GANTANG]

TARIKH : 16 JUN 2015 (SELASA)

SOALAN :

YB Tuan Idris bin Haji Ahmad [Bukit Gantang] minta PERDANA MENTERI menyatakan berapa ramai kakitangan Kerajaan yang akan ditamatkan kontrak pada tahun 2015.

JAWAPAN: **YB DATO' SERI DR SHAHIDAN BIN KASSIM**
MENTERI DI JABATAN PERDANA MENTERI

Tuan Yang di-Pertua,

Untuk makluman Ahli Yang Berhormat, sehingga 31 Januari 2015, bilangan pegawai kontrak dalam Perkhidmatan Awam adalah seramai 47,728 orang. Daripada jumlah tersebut, seramai 43,861 orang atau 91.9% adalah lantikan *contract of service* (dengan izin) manakala 3,867 orang atau 8.1% adalah lantikan *contract for service* (dengan izin).

Tempoh perkhidmatan mereka secara kontrak akan tamat berdasarkan kepada perjanjian kontrak yang dipersetujui antara Kerajaan dan pegawai tersebut. Walau bagaimanapun, pegawai tersebut masih boleh ditawarkan kontrak baharu berdasarkan kepada keperluan perkhidmatan, kesinambungan kepakaran, pengalaman dan kepimpinan yang diperlukan. Namun begitu, mereka perlu memenuhi perlantikan iaitu prestasi perkhidmatan yang baik semasa berkhidmat dan diperakui sihat oleh pengamal perubatan berdaftar.

Sekian. Terima kasih.